



Publicaziuns officialas dils 20-11-2009

Damonda da baghegiar

Nr. 100/2009

Datum da publicaziun: 20-11-2009

Patrun: Candinas SA, 7172 Rabiun

Object: Nova finiastra ella fatschada encunter damaun vid il baghetg economic nr. d'assec. 413C sin parcella nr. 4873 Rabiun, Igriu.

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas prote-stas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 20-11-2009

Cumissiun da baghegiar Sumvitg

Votaziuns federalas e cantunalas dils 29-11-2009, projects mira all' entschatta da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl
dumengia, ils 29-11-2009, dallas 10.00 – 11.00 uras

Sonda e dumengia, ils 28 e 29-11-2009 mintgamai avon il survetsch divin en las fracziuns sin plaz cadruvi.

Ils cedels da votar ein vegnir distribui. Tgi ch'ei aunc buca en possess da tals ei supplicaus da s'annunziar tier la canzlia communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sin il certificat pil dretg da votar.

Sumvitg, 20-11-2009

Suprastonza communal Sumvitg

Preavis / radunonza communal

La proxima radunonza da vischnaunca ha liug **gievgia, ils 17 da december 2009 allas 20.00 uras en casa da scola a Cumpadials**. La gliesta da tractandas vegn publicada a dretg temps.

Sumvitg, 20-11-2009

Suprastonza communal Sumvitg

Pignola da Nadal

L'administraziun forestala recamonda da retrer il pigniel da Nadal al singul vischin sco suonda: En ils vischinadis nua ch'ils pigneuls vegnan pinai entras l'uniun da giuventetgna supplichein da retrer leu il pigniel da Nadal.

Al vischin che vul pinar sez il pigniel (lubiu ei da pinar mo pégn) eis ei lubiu da pinar tal sin territori communal. Ei vegn denton recumandau da pinar sin terren da pastiras surcarschidas. Scumandau eis ei da pinar en plontaziuns ed uauls da schurmetg (Uaul da Puzastg, Cresta, S. Benedetg, etc.) En ils uauls privats eis ei scumandau da pinar pignola da Nadal priu ora ins hagi ina lubientscha dil possessur d'uaul.

Nus recumandein era da pinar mo in pigniel e quel prender a casa e buca schar scher entuorn e forsa pinar dus auters.

Tgi che vul schar pinar il pigniel ils luvriers da vischnaunca ein supplicai da s'annunziar entochen ils **11-12-2009** tier la **canzlia communal (tel. 081 920 25 00)**. Tals pigneuls vegnan taxai sco suonda:

- grondezia sut 2 m frs. 20.--
- grondezia 2 - 3 m frs. 25.--
- grondezia sur 3 m frs. 35.--

Per il schurmetg d'igl uaul recumandein a scadin da pinar il pigniel da Nadal cun precauziun e senn da responsabladad. Cunterfatgs vegnan punidas tenor il regulativ forestal.

Sumvitg, 20-11-2009

Uffeci forestal Sumvitg

Reducziun dallas premias dalla cassa da malsauns

Persunas che han aunc buca retschert direct dalla cassa da cumpensaziun in formular d'annunzia, han la pussevividad da retrer quel directamein tier la cassa da cumpensaziun AVS en canzlia. Las annunzias pigl onn 2009 ston esser inoltradas entochen sil pli tard ils **31 da december 2009**.

Sumvitg, 20-11-2009

Cassa da cumpensaziun AVS

Uffeci dil stadi civil Cadi

Mortoris

Schmed Gion Battesta, naschius ils 21-11-1930, morts ils 05-11-2009, staus sesents a Surrein, Caglieci 359A.

Capeder Lina Franziska, naschida ils 21-12-1910, morta ils 07-11-2009, stada sesenta a Rabiuis, Cavivens 445.

Sumvitg, 20-11-2009

Controlla da habitonts

Robinson

La quarta classa dalla scola da Rabiuis presenta il musical «Robinson»:

venderdis, ils 20 da november allas 20.00

dumengia, ils 22 da november allas 14.00

(cun stiva da caffè) ella halla da gimnastica a Rabiuis. Ils scolars e las scolaras cun lur scolastas e lur scolast fan a tuts in cordial beinvegni. *Scola primara Rabiuis*

Corporaziun d'aua Surrein/Val

Radunonza generala

Gliendisdis, ils 30 da november 2009 allas 20.00 uras ha liug en casa da scola a Surrein la radunonza generala. Cordialmein envida *la suprastonza*

Uniun da pescadurs Sumvitg

66. radunonza generala

Sonda, ils 28 da november 2009 allas 20.00 uras ell'ustria Cruna a Sumvitg. Sperond sind stedia participaziun envida cordialmein *la suprastonza*

Cussegl pastoral Rabiuis

Dumengia, ils 22 da november per la fiasta da Cristus Retg festivein nus il survetsch divin allas 10.30 uras en collaboraziun cun la giuventetgna. La giuventetgna ha elegiu il tema «cuminonza». Nus cantein ord il Selegra cun accumpignament da Simon Walter. Ina mesura avon messa fagein in exercezi en baselgia. In e scadin ei cordialmein envidaus da vegnir a cantar e nus engraziein ordavon per tut sustegn. L'unfrenda va en favur dad ovras caritativas da s. Lisabet. L'uniun da dunnas recamonda quell'unfrenda ed engrazia gia ordavon per tutta generusadad. Cordials salids ed a bien seveser *sur Benny, la giuventetgna ed il cussegl pastoral*

Uniun da dunnas Sumvitg/Cumpadials

Caras commembras

Nus envidein Vus cordialmein ad ina sera da giugs e sentupada ils **25-11-2009** allas 20.00 uras ell'ustria Cruna a Sumvitg. Sin bien seveser la suprastonza

Club da troccas Rabius

Nus organisein ils **20 da november** ina sera da troccas per tuts e tuttas che han plascher da quei giug. Entschatta allas 20.00 en l'ustria dalla staziun a Rabius. A bien seveser.

Biblioteca Trun

Mira Sut Trun

Biblioteca populara, Mustér

Mira sut Disentis/Mustér.